



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

CCCXLVIII. Die Städte Magdeburg und Braunschweig nehmen die Städte Halberstadt, Quedlinburg und Aschersleben in die Vereinigung auf, welche sie mit den Städten Goslar, Halle, Hildesheim, Göttingen, ...

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

CCCXLVII. Der Rath der Stadt Lübeck bittet den Rath Stendal's, in seinen Bemühungen bei dem Markgrafen um Ersatz des Heinrich Castorf und Hermann Sobbershausen geraubten Gutes fortzufahren, am 8. August 1459.

Vruntliken grud vnde, wes wy ghudes vormoghen toveren. Erfamen leuen heren vnde ghuden vrunde. So wy juw hür bevoorne mer dan to ener tyd van wegghen der IIII terlinghe lakenne, In juwes gnedighen heren lande vppe der keyserliken vryen straten vnde in syner gnaden vryen gheleyde vpgbehouwen vnde wech ghesort etc., Deme erfamen heren Hinricke Castorpe, vnserm Radeskumpane, vnde Hermenne Sobberhusen, vnserm borghere, tobehorende, ghescreuen hebben, des gy juw, so wy irtvaren hebben, By deme sulstien juwem gnedighen heren vmme sodane terlinghe lakenne, den vnsern erben wedderkeringhe tobefcheende, gutliken bearbeydet hebben, Des wy juw hochliken danken, wo wol sodane wedderkeringhe noch nicht bescheen is; Hür vmme is vnde vruntlike begher, deggher andachtighen biddende, dat gy id doch noch ernstliken na Juwem vormoghen By deme vpghemelden Juwem gnedighen heren vorvoghen vnde bestellen willen, dat den erfcreuen vnserm Radeskumpane vnde borgher sodaner nu affhendighen ghenomenen terlinghe lakenne wedderkeringhe vnde hantrekinghe bescheen moghe edder de na erem werde gutliken moghen werden vornoghet vnde betalet. Juw gutliken hür aue tobewysfende, ghelik gy van vns beggherden, ofste den Juwen enfodans, dat god affkeren mote, by vns bescheen were, dat vorfchulde wy vmme juwe erfambeyde gherne, De gode deme heren sy beualen vnde beggheren hür van myt den ersten juwe gutlike bescreuen antworde. Screuen vnder vnser Stad Secret an dem midweken vor laurencii martyris, Anno LIX.

Consules Lubicenses.

Nach dem Originale des Stendalschen Rathesarchives No. 179.

CCCXLVIII. Die Städte Magdeburg und Braunschweig nehmen die Städte Halberstadt, Quedlinburg und Aschersleben in die Vereinigung auf, welche sie mit den Städten Goslar, Halle, Hildesheim, Göttingen, Stendal, Tangermünde, Hannover, Einbeck, Hameln und Northeim errichtet haben, am 3. September 1459.

Wy Borgermester vnde Radmann der Stede Magdeborch vnde Brunswigk Bekennen openbar in vnde mit dusssem breue vor allen, de one seyn, horen edder lesen, dat wy mit gudem berade vnde willen, deme almechtigen gode tho loue, dem hilgen Romischen rike to eren, dorch nud, frede vnde fromen willen der lande de Erfamen vnser frunde, Borgermester, Radmanne vnde Stede Halberstad, Quedelingborch vnde Asscherfleue in alldanen fruntlike tohopesathe vorferiunge, alz wy vormiddelst vnsern frunden, den Erliken Steden Gofsler, Halle, Hildenssem, Gottingen, Stendal, Tangermunde, Honofer, Embeke, Hamelen vnde Northeym angegan vnde vnser eynd dem andern Trost vnde hulpe, Efte des nod vnde behouf syn worde, to donde nach lude vnde inholde der vorfegelden Contracte, By vns genanten Steden Magdeborch

vnde Brunfwigk, van vnser vnde der benomden vnser frunde vnde Stede wegen in vorwaringe liggende, Bynnen Brunfwigk eyn geworden vnde na der gebort Christi vnser heren der mynrentall in dem negen vnde ueftigsten iare, am fridage na deme Sondage Cantate, sultogen vnde myt vnser vnde der vorbenanten vnser frunde, der Erliken Stede angehangenden Ingefegelen vorwaret vnde besegelt sint dorch wiliker fruntschupp vnrechter walt weddertofstade vnde ok vme hulpe, Trost vnde were myt werhaftigen vnde wapenden luden, alz nemliken de van Halberstad myt Sessen, de van Quedelingborch myt Sessen vnde de van Asscherfleue mit Sess gewapenden, Edder gewapende Schutten to vothe na lude der vordracht, vnde forder mer in aller wise vnde maten vnde nach allen stucken, puncten vnde artikeln na lude vnde Inholde der genanten vorfegelden Contracten, der se eyne Copie vnde affcrift van vns by fyk hebben entsangen. Sie vns vnde den genanten vnser frunden der Erliken Steden vnde in der suluen voreyninge begrepen, vnde . . . vnde vnser eyn dem andern don mogen vnde schullen van vnser vnde van wegen vnde mit sulbort der vorbenanten vnser frunde der Erliken stede, So dat ok darfulues bynnen brunfwik in sodanner vorhandelinghe vnde fruntliken vordracht vnde eyninge vorlaten wart in macht vnde Craft dusses breues genomen hebben vnde nemen, vnde schullen vnde willen one eyn sodannes vormiddelt vnser merbenanten frunden den erliken Steden na allem Inholde vnde artikeln samptliken vnde eynen jowelken besundern der suluen vnser fruntliken tohopefate voreyninge vnde Contracten sul vnde al also to holden vnde wederumme van one gehalten nemen, Ghelikerwys vnde in aller mate, Effit se in den suluen Contracten mede begrepen vnde benomet weren vnde de mede besegelt hedden, synder alle geuerde. Des to merem orkunde vnde tuchnisse hebben wy vorgeante Rede der Stede Magdeborch vnde Brunfwigk vnser Stede Ingefegel wiliken hengen laten an dussen bref na Christi vnser heren gebort veirtynhundert iar, dar na in dem negen vnde ueftigsten iare, am mandage na sunte Egidien dage des hilligen abbates.

Aus einem im 15. Jahrhunderte geschriebenen, im Herzogl. Archive zu Wolfenbüttel vorhandenen Copialbuche der Stadt Braunschweig.

CCCXLIX. Dieterich und Curd von Quitzow stiften auf der Fähr zu Werben zwischen Arend Voldenscher und dem Rath zu Stendal einen Vergleich, am 7. September 1460.

Am Sonnauende nah Egidii nach der bort Cristli dusent virhundert In deme sostichtsten Jare Iff besproken vnde gededinget vpper Fhere to werben van den wolduchtigen vnde vesten Di-derik vnde Curd van Quitzouw twisschen den Erfamen Borgermeistern vnde Radmannen to Stendal an eynen vnde Arnd Voldenscher met sinen broderen an deme anderen deyle, So alle de gnanten Voldenscher met den erscreuenen Radmannen to Stendall van etliker sake wegen to vnwillen vnde schelhaftlich sint gewesen, dat sodanne saken alle twisschen en gentzlik vnde all wol berichtet seallen wesen to ewigen tyden met allen dengennen, de sodanne saken mede to dhonde mochten ghehat hebben, eddir darinne mochten vordacht wesen an beiden Ziiden, vnde vppe sodanne berichtinge hebben de vppgnanten Radmanne to Stendall den erscreuen Arnd Voldenscher to eynen Dynen angenohmen met twen perden dre Jar over vnde he schall de